

COVID - 19. ԿԱՌԱՎԱՐՈՒԹՅՈՒՆԸ ԳՈՐԾՈՒՄ Է

ԳԻՐԳԻ ԳԱԽԱՐԻԱ. «ԱՌՈՂՋԱՊԱՀՈՒԹՅԱՆ ՆԱԽԱՐԱՐՈՒԹՅՈՒՆԸ ԿԱՐՈՂ ԵՆՔ ԱՆՎԱՆԵԼ ՀՈԳԱՏԱՐՈՒԹՅԱՆ ՆԱԽԱՐԱՐՈՒԹՅՈՒՆ»

Հունիսի 18-ին Վրաստանի վարչապետ Գիորգի Գախարիան, երկրի գործադիր և օրենսդիր մարմինների ներկայացուցիչների մասնակցությամբ կայացավ Վրաստանի աշխատանքի, առողջապահության և սոցիալական պաշտպանության նախարարության մեկնայա գործունեության հաշվետվության շնորհանդեսը:



(Շարունակությունը՝ 5-րդ էջում)

Իր խոսքում Վրաստանի վարչապետը, մանրամասնելով կորոնավիրուսի դեմ պայքարում առողջապահության համակարգի ձեռքբերումները, նշեց, որ գլոբալ համավարակը ոչ միայն Վրաստանի առողջապահական համակարգի, այլ համաշխարհային մարտահրավեր է:

ՎԱՐՉԱՊԵՏԻ ՀԱՆԴԻՊՈՒՄԸ ՀԱՎԱՏԱՐՄԱԳՐՎԱԾ ԴԻՎԱՆԱԳԵՏՆԵՐԻ ՀԵՏ

«... ՊԱՏԿԵՐԱՅՐԵՔ, ՈՐ ԴՈՒՔ ԱՅՍՕՐ ԶԲՈՍԱՇՐՋԻԿՆԵՐ ԵՔ»

ՄԱՍՆԱԿԻՑՆԵՐԻ ԹՎՈՒՄ ԷՐ ՎՐԱՍՏԱՆՈՒՄ ՀԱՅԱՍՏԱՆԻ ԱՐՏԱԿԱՐԳ ԵՎ ԼԻԱԶՈՐ ԴԵՄՊԱՆ ՌՈՒԲԵՆ ՍԱՂՈՅԱՆԸ

Հունիսի 15-ին Վրաստանի վարչապետ Գիորգի Գախարիան Կախեթի տարածաշրջանի Լոպատո լճի ափին հանդիպում ունեցավ Վրաստանում հավատարմագրված դիվանագիտական կորպուսի ներկայացուցիչների հետ: Մասնակիցների թվում էր նաև Վրաստանում Հայաստանի արտակարգ եվ լիազոր դեսպան Ռուբեն Սաղոյանը:



րացրեք, որ դուք այսօր Կախեթում զբոսաշրջիկներ եք: Սա է մեր հիմնական նպատակը, սակայն բոլորս գիտակցում ենք, որ մարտահրավերը գլոբալ է, իսկ համավարակը՝ գլոբալ մարտահրավեր:

(Շարունակությունը՝ 5-րդ էջում)

Բացելով հանդիպումը՝ Գիորգի Գախարիան, մասնավորապես, ասաց.

- Ցանկանում եմ, որ մեր այս հանդիպումը լինի ոչ պաշտոնական, բարեկամական, գաղափարների, կարծիքների փոխանակման հանդիպում, ուստի ընտրել ենք այս վայրը, և պատկե-

ԸՆՏՐԱԿԱՆ ՕՐԵՆՍԳԻՐՔ

ՀՈՒՆԻՍԻ 21-ԻՆ ԽՈՐՀՐԴԱՐԱՆԻ ԼԻԱԳՈՒՄԱՐ ՆԻՍՏՈՒՄ ԿՍԿՍԿԻ ՍԱՀՄԱՆԱԴՐԱԿԱՆ ՓՈՓՈԽՈՒԹՅՈՒՆՆԵՐԻ ՔՆՆԱՐԿՈՒՄԸ

Վաղը՝ հունիսի 21-ին, Վրաստանի խորհրդարանը իր լիազումար նիստում ձեռնամուխ կլինի սահմանադրական փոփոխությունների նախագծի քննարկմանը: Նշենք, որ ըստ ընթացակարգի, օրենսդիր մարմինը սահմանադրական փոփոխությունները՝ երեք ընթերցմամբ, պետք է ընդունի մինչև հունիսի 29-ը: Ընդ որում, հունիսի 26-ին խորհրդարանի գարնանային նստաշրջանը ավարտվում է, հետևաբար, սահմանադրական փոփոխությունների ընդունման համար անցկացվելու է խորհրդարանի արտահերթ նիստ:

Իսկ մինչ այդ, երեկ հունիսի 19-ին, ընտրական օրենսգրքի սահմանադրական փոփոխությունների հարցը քննարկվեց երկրի խորհրդարանի իրավաբանական հարցերի կոմիտեներում: Նշենք, որ քննարկմանը ներկա էին խորհրդարանական մեծամասնության, «Անկախ պատգամավորներ» խմբակցության, ինչպես նաև հասարակական կազմակերպությունների ներկայացուցիչները: Ինչ վերաբերում է ընդդիմադիր մյուս խմբակցություններին, ապա «Միասնական ազգային շարժման» և «Եվրոպական Վրաստան» խմբակցությունների պատգամավորները հայտարարեցին, որ չեն մաս-

նակցի ոչ միայն կոմիտեական քննարկումներին, այլև սահմանադրական փոփոխությունների հարցով խորհրդարանի լիազումար նիստերին:

Իրավաբանական կոմիտեն հավանություն տվեց սահմանադրական փոփոխություններին, եւ, ընթացակարգի համաձայն, օրինամատյակի ընդունված է խորհրդարանի լիազումար նիստի քննարկմանը:

Հիշեցնենք, որ «Վրացական երազանքի» և միացյալ ընդդիմության միջև Վրաստանում հավատարմագրված եվրոպական երկրների դեսպաններ (Շարունակությունը՝ 2-րդ էջում)

ՀԱՄԱԳՈՐԾԱԿՑՈՒԹՅՈՒՆ

ԱՆՎԱՅՎԵՑ ԱՐԵՎԵԼՅԱՆ ԳՈՐԾԵՆԿԵՐՈՒԹՅԱՆ ԵՐԿՐՆԵՐԻ ԴԵԿՎԱՐՆԵՐԻ ՏԵՍԱԽՈՐՀՐԴԱԿՑՈՒԹՅՈՒՆԸ

ՄԱՍՆԱԿՑԵՑԻՆ ՆԱԵՎ ՎՐԱՍՏԱՆԻ ԵՎ ՀԱՅԱՍՏԱՆԻ ՎԱՐՉԱՊԵՏԵՐԸ

Հունիսի 18-ին Վրաստանի վարչապետ Գիորգի Գախարիան մասնակցեց Արեւելյան գործընկերության երկրների դեկավարների տեսախորհրդակցությանը, որն անցկացվեց Եվրոպական խորհրդի նախագահ Շառլ Միշելի և Եվրահամձեռնակողի նախագահ Ուրսուլա Ֆոն Դեր Լայենի գլխավորությամբ:

Միջոցառմանը բարձր մակարդակով ամփոփվեցին Արեւելյան գործընկերության շրջանակներում ձեռք բերված արդյունքները, քննարկվեցին Եվրամիության և Արեւելյան Եվրոպական գործընկեր երկրների միջև համագործակցության դիմադրական, առաջնահերթություններին և դրա խորացման հեռանկարներին, ինչպես նաև կորոնավիրուսի համավարակի դեմ պայքարում ձեռնարկված միջոցներին և առնչվող հարցեր:

րդի Գախարիան խոսեց համավարակի դեմ պայքարում Վրաստանի հաջողության մասին: Վրաստանի վարչապետն անդրադարձավ նաև Եվրամիության միասնական շուկային աստիճանաբար ինտեգրվելու հարցին: Կարեւորելով Արեւելյան գործընկերության նախաձեռնությունը՝ Գիորգի Գախարիան նշեց, որ Վրաստանի նպատակը Եվրամիությանը լիարժեք ինտեգրումն է: - Այժմ, երբ չեղարկել ենք զրեթե բոլոր սահմանափակումները, (Շարունակությունը՝ 2-րդ էջում)

ՎՐԱՍՏԱՆ - ՀԱՅԱՍՏԱՆ

ՀԱՄԱՎԱՐԱԿՆ ՈՒ ԿՈՐՈՆԱՎԻՐՈՒՄԸ ԶԵՆ ԱԶԴԻ ՄԵՐ ՊԱՇՏՈՆԱԿԱՆ ԵՎ ՈՉ ՊԱՇՏՈՆԱԿԱՆ ԲԱՐԵԿԱՄՈՒԹՅԱՆ ՎՐԱ

Վրաստանի հիվանդությունների վերահսկման և հասարակական առողջության ազգային կենտրոնի դեկավար Ամիրան Գամդրելիձեն «Atlantic Council»-ի հեռավար հարցազրույցի ժամանակ խոսեց կորոնավիրուսի դեմ պայքարի Վրաստանի փորձի մասին, անդրադարձավ մի շարք հարցերի, այդ թվում՝ Հայաստանի հետ հարաբերություններին:



- Մենք համակցության երկար պատմություն ունենք: Գիտենք, որ Հայաստանում ու Ադրբեյջանում վարակի հետ կապված իրավիճակն ավելի բարդ է, քան Վրաստանում: Մեր հայ գործընկերներին օգնություն ենք առաջարկել, նախորդ շաբաթ եւս կապ հաստատեցինք նրանց հետ: Մի անգամ քննարկել ենք բուժման հարցի, վարակի տարածման վերահսկողության մասին, կիսվել փորձով: Մենք լավ հա-

րաբերություններ ունենք: Ընդամենը մի դիպված է տեղի ունեցել հայաստանյան քաղաքական գործչի մոտ եղած թյուրըմբռման արդյունքում, չնայած դա անցյալի մի բան էր: Սա չի կարող լարվածության հիմք հանդիսանալ: Համավարակն ու կորոնավիրուսը չեն ազդի մեր պաշտոնական ու ոչ պաշտոնական բարեկամության վրա, - ասաց Ամիրան Գամդրելիձեն:

ԵՎՍ 6 ՀԱԶԱՐ ԴԻՄԱԿ՝ «ՄԵԿ ԴԻՄԱԿ՝ ՄԵԿ ԿՅԱՆՔ» ԾՐԱԳՐՈՎ

Ինչպես արդեն հաղորդել ենք նախորդ համարում, թբիլիսցիներին և թբիլիսահայերին նախաձեռնությամբ, մեկնարկել էր «Մեկ դիմակ՝ մեկ կյանք» դրամահավաքը, որի նպատակը կորոնավիրուսի դեմ պայքարում Հայաստանին հնարավորինս օգնելն է:

Նշենք, որ վերոնշյալ ծրագրին իրենց մասնակցություն են բերել ոչ միայն թբիլիսիի, Վրաստանի, այլև Եվրոպական մի շարք երկրների քաղաքացիները: Հիշեցնենք, որ անցյալ շաբաթ նախաձեռնողների ջանքերով արհեստական շնչառությունն ապահովող 50 սարք է շուրջ

3000 դիմակ էր գնվել ու ուղարկվել Հայաստան: Վերջին տվյալներով, «Մեկ դիմակ՝ մեկ կյանք» դրամահավաքն այս փուլում կարելի է ավարտված համարել. հունիսի 7-16-ը հավաքվել է 4740 լարի: Հանգանակված գումարով (Շարունակությունը՝ 2-րդ էջում)

COVID - 19

ԱՇԽԱՐՀՈՒՄ՝ 8 ՄԻԼԻՈՆ 595 ՀԱՋԱՐԻՑ ԱՎԵԼԻ ՎԱՐԱԿՎԱԾ, 4 ՄԻԼԻՈՆ 546 ՀԱՋԱՐԻՑ ԱՎԵԼԻ ԱՊԱՔԻՆՎԱԾ

Աշխարհում նոր տիպի կորոնավիրուսային վարակի COVID-19-ի հաստատված դեպքերի թիվն անցել է 8 միլիոն 595 հազարը: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 456 հազարը: Ապաքինվել է ավելի քան 4 միլիոն 546 հազարից ավելի մարդ:




թիվը 225 103 է, մահացածներինը՝ 3 841:

Տասնյակը եզրափակում է Իրանը, որտեղ վարակակիրների թիվը հասել է 197 647-ի, մահացածներինը՝ 9 272-ի: Գերմանիայում հաստատված դեպքերի ընդհանուր թիվը 190 126 է: Վարակի հետևանքով այստեղ մահացել է 8 946 մարդ: Թուրքիայում հաստատված դեպքերի ընդհանուր թիվը 184 031 է: Վարակի հետևանքով այստեղ մահացել է 4 882 մարդ: Առողջապահության համաշխարհային կազմակերպության տվյալներով, վարակ արձանագրած երկրների եւ տարածքների թիվը հասել է 215-ի:

Վիրուսով վարակվածների թվով առաջին տեղում գտնվող ԱՄՆ-ում 2 263 749 հաստատված դեպք կա: Այստեղ մահացածների թիվը 120 688 է: Այս ցուցանիշով ԱՄՆ-ն առաջինն է աշխարհում: Ընդհանուր ցուցանիշով երկրորդ տեղում հայտնված Բրազիլիայում հաստատված դեպքերի թիվը հասել է 983 359-ի, մահացածներինը՝ 47 869-ի: Մահերի թվով Բրազիլիան աշխարհում դարձել է երրորդ երկիրը: Վարակվածների թվով հաջորդ տեղում Ռուսաստանն է, որտեղ ընդհանուր առմամբ կորոնավիրուսով վարակվել է 569 063 մարդ: Երկրում վարակի հետևանքով մահացել է 7 841 մարդ: Ինդոնեզիայում հաստատված դեպքերի թիվը 381 485 է: Մահացության ցուցանիշը կազմում է 12 605:

Վարակվածների թվով հաջորդ տեղում Մեծ Բրիտանիան է՝ 300 469 դեպքով: Մահացածների թիվը կազմում է 42 288: Մահացության ցուցանիշով Մեծ Բրիտանիան եվրոպայում առաջինն է, աշխարհում երրորդը՝ ԱՄՆ-ից ու Բրազիլիայից հետո: Վարակվածների ընդհանուր թվով Մեծ Բրիտանիային հաջորդում է Իսպանիան, որտեղ կորոնավիրուսով վարակվածների ընդհանուր թիվը կազմում է 292 348, մահացածներինը՝ 27 136: Իսպանիային հաջորդում է Պերուն: Այստեղ առկա է 244 388 հաստատված դեպք: Վարակի հետևանքով մահացել է 7 461 մարդ: Պերուին հաջորդում է Իտալիան՝ 238 159 ընդհանուր, 34 514 մահվան դեպքով: Հաջորդ տեղում Չինլին է, որտեղ վարակվածների ընդհանուր



ՌՈՒՍԱՍՏԱՆ ՀՈՒՆԻՍԻ 24-ԻՆ ԿԱՆՑԿԱՅՎԻ ՀԱՂԹԱՆԱԿԻ 75-ԱՄՅԱԿԻՆ ՆԿԻՐՎԱԾ ԶՈՐԱՅԱՆԴԵՍ

Հունիսի 24-ին Մոսկվայում կանցկացվի զորահանդես՝ նվիրված գերմանական ֆաշիզմի դեմ տարած հաղթանակի 75-ամյակին:

Հիշեցնենք, որ, համավարակով պայմանավորված, Վլադիմիր Պուտինը մայիսին որոշում էր կայացրել հետաձգել Հաղթանակի 75-ամյակին նվիրված զորահանդեսը, որին, Ռուսաստանի զինուժերից բացի, մասնակցության հրավեր են ստացել նաև Հայաստանից, Ադրբեջանից, Բելառուսից, Ղազախստանից, Ղրղզստանից, Չինաստանից, Սլովակիայից, Սոնդոնիայից, Սերբիայից, Տաջիկստանից, Թուրքմենստանից եւ Ուզբեկստանից զինվորականներ:

Ակնկալվում է, որ զորահանդեսին մասնակցելու է ավելի քան 13 հազար զինվորական, լինելու է 234 միավոր ժամանակակից եւ պատմական նշանակություն ունեցող տեխնիկա:

Նշենք, որ 1945 թվականին Հաղթանակի զորահանդեսը եւս անցկացվել է Մոսկվայում հունիսի 24-ին:

ԱՄՆ

ՑՈՒՅՑԵՐԸ ՀԱՐՈՒՆԱԿՎՈՒՄ ԵՆ

Ինչպես արդեն հաղորդել ենք, ԱՄՆ-ում ռոտիկանական բռնության դեմ զանգվածային ցույցեր սկսվեցին մայիսի 25-ին Միլենտոա նահանգի Մինեսոտայի քաղաքի նախկին ռոտիկան Դերեկ Չաուվինի կողմից սեւամորթ իրավախախտ Ջորջ Ֆլոյդի սպանությունից հետո: Կատարվածից զայրացած ամերիկացիները պահանջում էին խստագույն պատժել ձերբակալության պահին դաժան վերաբերմունք դրսևորած ռոտիկանին, ով 8 րոպե շարունակ ծնկով սեղմած էր պահել Ֆլոյդի պարանոցը:

Արդեն երեք շաբաթ շարունակվող բողոքի ցույցերն ընդդեմ ռոտիկանական բռնության, մեծամասամբ խաղաղ են ընթանում, ցույցերն անկարգությունների եւ քաոսի են վերածվել միայն երեք նահանգներում: Միտոլի քաղաքում, ցուցարարները շրջափակել են քաղաքի կենտրոնը, այն հայտարարել ազատ գոտի՝ զերծ ռոտիկաններից ու իրավապահներից:

ԱՄՆ նախագահ Դոնալդ Թրամփը, ներկայացնելով ռոտիկանության բարեփոխման ծրագիրը, երկրում լարվածության սրման հարցում մեղադրանքներ ներկայացրեց ընդդեմադիր ժողովրդավարական կուսակցությանը՝ նշելով, որ իշխանափոխության նպատակով նրանք ոչնչի առջեւ կանգ չեն առնում:

ՉԻՆԱՍՏԱՆ

ՀԱՅՏԱՐԱՐՎԱԾ Է ԵՐԿՐՈՐԴ ԱՍՏԻՃԱՆԻ ՄՊԱՌՆԱԼԻՔ

Չինաստանի մայրաքաղաք Պեկինում հաստատվել է կորոնավիրուսով վարակման 16 նոր դեպք, ընդ որում՝ մեկ շաբաթվա ընթացքում վարակվածների թիվը հասել է 137-ի: Պեկինում կորոնավիրուսի տարածման կանխման նպատակով, ներդրվել են երթուղիների սահմանափակումներ: Մասնավորապես, 70 տոկոսով չեղարկվել են Պեկինի ուղղությամբ եւ Պեկինից իրականացվող ավիաչվերթերը: Մայրաքաղաք տանող ճանապարհները փակ են, թեպետ դրանցով թույլատրվում է երթուղիներ ծայրահեղ անհրաժեշտության դեպքում, միայն կորոնավիրուսով վարակման բացակայությունը հաստատող տեղեկանքով:

Նշենք, որ Պեկինի իշխանությունները, կորոնավիրուսի տարածման սպառնալիքի պատճառով, հայտարարել են երկրորդ աստիճանի սպառնալիք:

ԿՈՐՈՆԱՎԻՐՈՒՄ. ՎԻՃԱԿԱԳՐՈՒԹՅՈՒՆԸ` ՀԱՐԱՎԱՅԻՆ ԿՈՎԿԱՍԻ ՏԱՐԱԾԱՆԵՐՉԱՆՈՒՄ

Ինչպես Վրաստանում, այնպես էլ հարևան Հայաստանում եւ Ադրբեջանում ամեն օր ավելում է վարակման դեպքերի թիվը: Ինչպես վկայում է «worldometers» վիճակագրությունը, վարակվածների թվով տարածաշրջանում առաջինը Հայաստանն է: Այստեղ հունիսի 19-ին գրանցվել է 459

նոր դեպք, ընդհանուր առմամբ, վարակվածների թիվը հասել է 19 157, որոնցից 8 266-ն առողջացել է: Մահացածների թիվը կազմում է 319: Վարակվածների թվով տարածաշրջանում երկրորդը Ադրբեջանն է: Այստեղ, հրապարակված վիճակագրության համաձայն, հունիսի 19-ին

վարակվել է 338 մարդ: Ընդհանուր առմամբ, Ադրբեջանում կորոնավիրուսի վարակ է հայտնաբերվել 10 662 մարդու մոտ: Վարակից մահաբել է 126, ապաքինվել՝ 5948 մարդ: Հատկանշական է, որ Հարավային Կովկասի տարածաշրջանում կորոնավիրուսի տարածման պահից վի-

ճակագրությամբ ամենացածր ցուցանիշները գրանցվել են Վրաստանում: Հունիսի 19-ին վարակ է հայտնաբերվել երկու քաղաքացու մոտ, վարակվածների ընդհանուր թիվը հասել է 895-ի, վարակի բռնկումից ի վեր այստեղ ապաքինվել է 741, մահացել՝ 14 մարդ:

ՀԱՍՏԱՏՈՒԹՎԱԳՐՈՒԹՅՈՒՆ

ԱՆՅՎԱՅՎԵՑ ԱՐԵՎԵԼՅԱՆ ԳՈՐԾԸՆԿԵՐՈՒԹՅԱՆ ԵՐԿՐՆԵՐԻ ՂԵՎԱՎԱՐՆԵՐԻ ՏԵՍԱԽՈՐՀՐԴԱՎՅՈՒԹՅՈՒՆԸ

(Սկիզբը՝ 1-ին էջում)

պատրաստվում ենք աստիճանաբար բացել սահմանները: Միեւնույն ժամանակ, երբ Եվրամիության անդամ պետությունները որոշեն աստիճանաբար բացել սահմանները, հույս ենք հայտնում, որ Վրաստանը կտեսնենք անվտանգ երկրների ցանկում ոչ միայն այն պատճառով, որ սերտ գործընկերներ ենք, այլ, որ անվտանգ գործընկերներ ենք,- հայտարարեց Գիորգի Գախաբիան:

- Մենք ավելի մեծ նպատակներ ունենք: Հուսով ենք՝ Եվրամիությունը կաջակցի Եվրամիության միասնական շուկային

մեր աստիճանաբար ինտեգրմանը, որը կլինի Արեւելյան գործընկերության համար գլխավոր թիրախը, սպասում ենք, որ կպահպանվի գործընկերների հետաքրքրությունը եւ առաջընթացի վրա հիմնված մոտեցումը: Դա ենթադրում է երկրների հետ նոր ձեւաչափում աշխատանք, տարբեր բնագավառներում երկխոսության նպատակով: Մենք Եվրամիության աջակցության հույսն ունենք միջազգայնորեն ճանաչված սահմաններում ինքնիշխանության եւ տարածքա-



յին ամբողջականության սկզբունքի պաշտպանության գործում,- հայտարարեց Վրաստանի վարչապետը:

ՎՐԱՍՏԱՆ - ՀԱՅԱՍՏԱՆ

ԵՎՍ 6 ՀԱՋԱՐ ԴԻՄԱԿ՝ «ՄԵԿ ԴԻՄԱԿ՝ ՄԵԿ ԿՅԱՆՔ» ԾՐԱԳՐՈՎ

(Սկիզբը՝ 1-ին էջում)

Բժշկական եռաշերտ 6000 դիմակ է գնվել: Բելգիական համայնքի աջակցությամբ ձեռք է բերվել եւս 3 շարժական շնչառական սարք: 1000 դիմակ է տրամադրվել Վրաստանում գործող «Վրացահայերի միություն» հասարակական կազմակերպության կողմից:

Նշենք, որ ձեռք բերված ողջ օգնության փոխադրումը մինչեւ վրաց-հայկական սահման կազմակերպում է Վրաստանում Հայաստանի դեսպանատունը, իսկ հայկական կողմից սարքերն ու դիմակներն ընդունում է «Հայաստան համահայկական հիմնադրամը»:

Հայաստանի առողջապահության նախարարությունը օգնության համար երախտագիտություն է հայտնել թբիլիսցիներին:

ԸՆՏՐԱՎԱՆ ՕՐԵՆՍԳԻՐ

ՀՈՒՆԻՍԻ 21-ԻՆ ԽՈՐՀՐԴԱՐԱՆԻ ԼԻԱԳՈՒՄԱՐ ՆԻՍՏՈՒՄ ԿՍԿՍՎԻ ՍԱՀՄԱՆԱԴՐԱՎԱՆ ՓՈՓՈԽՈՒԹՅՈՒՆՆԵՐԻ ՔՆՆԱՐԿՈՒՄԸ

(Սկիզբը՝ 1-ին էջում)

րի միջնորդությամբ, մարտի 8-ի հանդիպման արդյունքում ընդունված համատեղ նախագիծը նախատեսում է 2020 թվականի խորհրդարանական ընտրություններն անցկացնել խառն ընտրակարգով՝ 120 համամասնական եւ 30 մեծամասնական պատգամավորական մանդատներով, մեկ տոկոսի ընտրաշեմով: Նախագիծը նաեւ նախատեսում է այսպես կոչված 40 տոկոսանոց եզրագծի մեխանիզմ: Այսինքն կուսակցությունը, որը 2020

թվականի խորհրդարանական ընտրությունների համամասնական ընտրակարգով ստանա ընտրողների ծայրերի 40,54 տոկոսից պակաս, ինքնուրույն, միայն իր ինքնուրույն կառավարությունը ձեւավորելու իրավունք չի ունենա: Այդ դեպքում, կարող է կազմվել միայն կոալիցիոն կառավարություն:

Ընդդիմության կողմից կոմիտեական լուսնների ու լիազույնար միստի բոլորտի կապակցությամբ, բանակցային գործընթացի միջնորդ Եվրամիության երկրների դիվանագետները հանդես եկան հա-

մատեղ հայտարարությամբ, որտեղ, հաշվի առնելով ներկայացված փոփոխությունների նշանակությունը, կողմերին կոչ արեցին կատարել մարտի 8-ին հանդիպման արդյունքում ձեռք բերած պայմանավորվածությամբ ստանձնած պարտավորությունները: «Կոչ ենք անում մարտի 8-ի պայմանավորվածությունը ստորագրող կողմերին, մասնակցել այդ նշանակալի քվեարկությանը եւ լրիվությամբ ընդունել ընտրական համակարգին առնչվող փոփոխություններ»:

ՑՈՒՐԻ ՊՈՂՈՍՅԱՆ

Շարաքից շարաք. Փաստեր եւ իրադարձություններ

ՀԱՂՈՐԳՈՒՄ ԵՆ «ՎՐԱՍԱՆԵՒ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՎՐԱՍԱՆ - ՀԱՅԱՍՏԱՆ

ՀԱՆՐԱՅԻՆ ՎԱՅՐԵՐՈՒՄ ԴԻՄԱԿ ԿՐԵԼԸ ՊԱՐՏԱԴԻՐ Է

ՎՐԱՍԱՆԻ ԿԱՌԱՎԱՐՈՒԹՅԱՆ ՈՐՈՇՈՒՄԸ

Հունիսի 15-ին Վրաստանի կառավարությունը, հանրային վայրերում պատահիր կարգով դիմակ կրելու մասին հունիսի 12-ին խորհրդարանի կողմից ընդունված օրենքով, սահմանեց, որ բժշկական դիմակ կրելը պարտադիր է: Սույն օրենքի խախտման դեպքում, ֆիզիկական անձը տուգանվում է 20, իսկ իրավաբանական անձը՝ 500 լարիով:




մտել հունիսի 12-ից:

Վրաստանի կառավարության որոշմամբ, բժշկական դիմակ կրելը պարտադիր կլինի հանրային եւ մասնավոր հաստատությունների ընդունարաններում, հասարակական տրանսպորտում (տաքսի, մետրո, երթուղային, ավտոբուս), վերելակներում ու առևտրի կետերում, գեղեցկության սրահներում, էսթետիկ բժշկության կենտրոններում, մասնագիտական ու բարձրագույն ուսումնական հաստատություններում:

յացնելիս միայն կարող է հանել դիմակը: Օրենքով քաղաքացիների առանձին կատեգորիաների համար սահմանվել են նաեւ բացառություններ: Այսպես, դիմակ կրելու պարտավորությունից ազատվել են մինչեւ 6 տարեկան երեխաները, ինչպես նաեւ այն մարդիկ, ովքեր ունեն շնչառական խնդիրներ, այդ թվում՝ թոքերի բրոնխի հիվանդություն, բրոնխիալ ասթմա: Բացի այդ, դիմակ կրելու պարտավորությունից ազատվում են նաեւ սահմանափակ կարողություններ ունեցող անձինք ու առողջության հետ խնդիր ունեցող քաղաքացիները, ովքեր չեն կարող կրել պաշտպանիչ դիմակ:

Նշենք, որ Վրաստանում էկոնոմիկայի եւ ներքին զբոսաշրջության աստիճանական բացման շրջանակներում, երկրի կառավարության որոշմամբ, վերացվեց բաց տարածքներում սեմինարների եւ վարժանքների անցկացման, ինչպես նաեւ բաց երկնքի տակ բոլոր ակտիվությունների անցկացման արգելքը: Որոշման մեջ նշված է նաեւ, որ վերոնշյալ բոլոր ակտիվությունները պետք է անցկացվեն առողջապահության նախարարության կողմից տրված համաձայնարականներին համապատասխան:

Ավելացնենք, որ պարտադիր կարգով դիմակը կրելու մասին օրենքը ուժի մեջ է



ԿԵՆՍԱԿԱՆ ՆՎԱԶԱԳՈՒՅՆ ԴՆՊԱՍԵԼ Է

Վրաստանի վիճակագրական ծառայության տվյալներով, 2020 թվականի մայիսին, ապրիլի համեմատ, Վրաստանում զգալիորեն իջել է կենսական նվազագույնը:

Ընթացիկ տարվա ապրիլին, աշխատուճանակ տարիքի տղամարդու կենսական նվազագույնը կազմում էր 199,6 լարի, իսկ մայիսին այդ ցուցանիշը իջել է եւ կազմել 189,6 լարի: Բացի այդ, ապրիլի հետ համեմատ, մայիսի 8,9 լարիով իջել է միջին սպառողի կենսական նվազագույնը եւ կազմել 167,9 լարի: 16 լարի 80 թեթրով իջել է միջին ընտանիքի կենսական նվազագույնը եւ կազմել 318,0 լարի:

Նշենք, որ կենսական նվազագույնը կազմում է մթերքի զանբյուրի հիման վրա, որը ներառում է 40 անուն սննդամթերք՝ հաց, հացահատիկեղեն, միս, կաթնամթերք, բանջարեղեն եւ հրուշակեղեն:

ԴՐԱՍԱԿԱՆ ՓՈՒՆԱՆՑՈՒՄՆԵՐԻ ԴԻՆԱՄԻԿԱՆ ՀՈՒՍԱՂՈՂ Է

Վրաստանի Ազգային բանկի նախագահ Կորա Գվենետաձեի խոսքով, դրամական փոխանցումների դինամիկան հուսադրող է եւ այն կազդի ինչպես տնտեսական ակտիվության, այնպես էլ տարադրամի փոխարժեքի վրա:

Նրա խոսքով, եթե ապրիլին փոխանցումները տարեկան կտրվածքով նվազել էին 42,3 տոկոսով, ապա մայիսին այդ ցուցանիշը կազմել է ընդամենը 9,6տոկոս: Առկա դինամիկան կազդի ինչպես տնտեսական ակտիվության, այնպես էլ տարադրամի փոխարժեքի վրա:

ՆԵՐՊՐՈՒՄՆԵՐԸ ՆՎԱԶԵԼ ԵՆ

Վրաստանի վիճակագրության ազգային ծառայության տվյալներով, առաջին եռամսյակում Վրաստանում իրականացրած ուղիղ օտարերկրյա ներդրումների ծավալը կազմել է 165,4 միլիոն դոլար, ինչը 41,7 տոկոսով պակաս է 2019 թվականի նույն ժամանակահատվածի ցուցանիշից:

Անկման գլխավոր պատճառներից մեկը հիմնական զազատարի շինարարության նախագծի ավարտն ու մի քանի ձեռնարկությունների սեփականաշնորհումն է:

2020 թվականի առաջին եռամսյակում խոշորագույն ուղիղ ներդրող երկրներն են՝ Միացյալ Թագավորությունը (44,2 տոկոս), Ամերիկայի Միացյալ Նահանգները (17,0 տոկոս), Պանաման (11,9 տոկոս):

ԲԻԶՆԵՍ

ՕԳՆՈՒԹՅՈՒՆ ՏԵՂԱԿԱՆ ԸՆԿԵՐՈՒԹՅՈՒՆՆԵՐԻՆ ՆՈՐ ՆԱԽԱԳԾԵՐԻ ԻՐԱՑՄԱՆ ԳՈՐԾՈՒՄ

Վրաստանի վարչապետ Գիորգի Գախարիան կառավարության հերթական միստին հայտարարեց, որ նոր նախագծերի իրականացման համար տեղական ընկերությունները պետությունից կստանան 90 տոկոսանոց բանկային վարկի երաշխիք:

Իսկ այն ընկերությունները, որոնք արդեն ստացել են բանկային վարկեր, դրանք պետությունից կստանան 30 տոկոսանոց երաշխիք: Վարչապետի խոսքով, դա այդ ընկերությունների կայունության պահպանման լավագույն հնարավորությունն է: Երաշխավորված վարկերի սխեմայով նախատեսված է օգտագործել առավելագույն 300 միլիոն լարի, եւ անհրաժեշտության դեպքում այդ գումարը կավելացվի: Վարկային երաշխիքի մե-

խանիզմն իր բովանդակությամբ հիմնադրամ է, որը որպես երաշխավոր հանդես է գալիս փոքր եւ միջին գործարարության կողմից կոմերցիոն բանկերից ստացած վարկերի վերադարձման գործում:

Ինչպես կառավարության միստում նշեց Գիորգի Գախարիան, միկրոդրամաշնորհների եւ փոքր ձեռներեցությանը ներկայացվող օգնության բյուջետային ծրագրի գումարը կավելացվի 40 միլիոն լարիով, եւ դրամաշնոր-

հային նվազագույն գումարը 20 հազարից կհասցվի 30 հազար լարի: Վարչապետի խոսքով, դա այն քաղաքացիներին ներկայացվող անմիջական օգնությունն է, ովքեր պատրաստ են սկսել նոր բիզնես, ստանձնել որոշակի պարտավորություն եւ հաջողության դեպքում ստեղծել նոր աշխատատեղեր:

Գիորգի Գախարիան հայտարարեց նաեւ, որ վերոնշյալ ծրագրերի մասին տեղեկատվությունը, ինչպես նաեւ

դրանցից օգտվելու մանրամասները քաղաքացիները կարող են ստանալ մեկ ամիս անց՝ դիմելով հասարակական կենտրոններին եւ Արդարադատության տանը: Բոլոր ծրագրերը, որոնք պետությունը իրականացնում է գործարարության, տեղական արտադրության եւ փոքր ձեռներեցության աջակցության համար, կտեղակայվեն արդարադատության նախարարության տեղական կառույցներում: ՄԻՍՆԿ ԿԻՆԱՅԵ

ԻՐԱՎԱԿԱՆ

ՀԱՏՈՒԿ ԾԱՌԱՅՈՒԹՅՈՒՆՆԵՐԸ ՌՈՒՍԱՍՏԱՆԻ ՔԱՂԱՔԱՑԻ ԵՆ ԶԵՐԲԱԿԱՆԵԼ

Թբիլիսիի Սարուբալո քաղաքացի Քավթարաձե փողոցում անցկացված հատուկ գործողության ընթացքում, անվտանգության ծառայության աշխատակիցները ձերբակալել են Ռուսաստանի քաղաքացի Վասանթել Բոկոնիին:

Ինչպես տեղեկացրել է գերատեսչությունը, Վասանթել Բոկոնիը Վրաստանում ապրում էր ուրիշի անվան տակ: Հետաքննության տվյալներով, ձերբակալվածը սուտ տեղեկություն էր տարածում, իբր Վրաստանում զբաղված է գործարարությամբ, իսկ իրականում իրականացնում էր մեկ

այլ գործողություն, ինչը եւ դարձավ նրա դեմ քննություն սկսելու պատճառ: Ձերբակալվածին առաջադրվել է կեղծ փաստաթղթերի պատրաստման, պահպանման եւ օգտագործման մեղադրանք:

Տեղեկատվության համաձայն, Վասանթել Բոկոնիին ներկայացված մեղադրանքներից է նաեւ մեկ տարի առաջ հեռուստատեսության եթերով ՌԴ նախագահ Վլադիմիր Պուտինի հասցեին արված անպարկեշտ խոսքերի հեղինակ, Ռուսալի-2-ի լրագրող Գիորգի Գաբունիայի դեմ ահաբեկչության մտադրությունը: Նշենք, որ Գիորգի Գաբունիայի վերոնշյալ հեռուստատեսության հետ, նրա ֆիզիկական հաշվեհադարի սպառնալիքով հանդես էր եկել Չեչենիայի ղեկավար Ռամզան Կադիրովը:

ՀԱՐԱԲԵՐՈՒԹՅՈՒՆՆԵՐ

ՌՈՒՍԱՍՏԱՆԻ ԱՌԱՋԻՆ ՇՆՈՐՀԱԿԱԼՈՒԹՅՈՒՆԸ ՎԵՐՋԻՆ 14 ՏԱՐԻՆԵՐԻ ԸՆԹԱՑՔՈՒՄ

Ռուսաստանի կառավարությունը պաշտոնապես շնորհակալություն է հայտնել Վրաստանի իշխանություններին: Նման բան տեղի չէր ունեցել 2006 թվականից, երբ լրտեսների հայտնի հետաքննության արդյունքում, Վրաստանի եւ Ռուսաստանի հարաբերությունները կտրուկ վատացան: Թբիլիսիում գտնվում են, որ վերոնշյալը մի կողմից փափուկ ուժի ցուցադրման դասական դեպք է, իսկ մյուս կողմից՝ դիվանագիտական նշանակալի ծանուցում, ինչը նշանակում է, որ Սոսկվան պատրաստ է Թբիլիսիի հետ խորհրդատվություններ սկսել երկկողմ հանգուցային խնդիրների վերաբերյալ:

Իր անսպասելի «շնորհակալությունը» Կրեմլը փոխանցեց Ռուսաստանի արտաքին գործերի նախարարության պաշտոնակալներին Վրաստանից Մարիա Զախարովայի միջոցով: Վերջինս իր ավանդական ճեպատուլիսում հատուկ խոսեց վրաց-ռուսական հարաբերությունների մասին՝ մասնավորապես կանգ առնելով մի կոնկրետ փաստի վրա. Վրաստանի օգնությամբ, Նիգերիայից ռուս ծովայինները հնարավորություն ստացան վերադառնալ հայրենիք:

խոսքերի, Վրաստանի խորհրդարանում խոսվեց վրացական տարածքների բռնազավթման մասին, եւ նշվեց, որ Ռուսաստանի հետ հարաբերությունների որեւէ նոր ձեւաչափ չի ծրագրվում:

Ինչպես նշեց Վրաստանի խորհրդարանի իրավաբանական հարցերի կոմիտեի նախագահ Անրի Օխանաշվիլին, գործող ձեւաչափը, որն ընդունվել է միջազգային հանրության մակարդակով, այլ ձեւաչափով փոխարինելու մտադրություն չկա:

Վերլուծաբան Վախթանգ Մախախայի կարծիքով, նման

վարմունքը Վրաստանի նկատմամբ պատահական չէ: - Զախարովան ճանաչված դեմք է եւ, Պետկովի հետ միասին, Կրեմլի բարձրախոսն է: Վերջերս Պուտինը նրա պաշտոնը բարձրացրեց, նրան շնորհվեց արտակարգ եւ լիազոր դեսպանի կոչում տրվեց եւ պետական շքանշան հանձնվեց,- ասաց Վախթանգ Մախախայն եւ հավելեց, որ բացառված չէ սույն հայտարարությունը կապված լինի Վրաստանում անցկացվելիք առաջիկա ընտրությունների հետ:

- Ինչպես երեւում է, Ռուսաստանը փորձում է փոխել մոտեցումը եւ ուժեղացնել իր ազդեցությունը, այդ թվում՝ տեղեկատվական, մշակութային, հումանիտար ու հնարավոր է նաեւ քաղաքական ուղղություններով, եւ այն էլ այն պայմաններում, երբ Վրաստանում ծրագրված են ամենանշանակալից, կարելի է ասել, պատմական, խորհրդարանական ընտրություններ,- ընդգծեց վերլուծաբանը: ԱՐԵՎԻԿԱ ՍԱՆՈՒԿՅԱՆ

COVID 19. ՍԱՀՄԱՆԱՓՈՒԿՈՒՄՆԵՐԻ ՎԵՐԱՑՈՒՄ

ՎԵՐԱՎԱՆՔՆԵՐԻ ՆԵՐՔԻՆ ԶԲՈՍԱՆՐԶՈՒԹՅՈՒՆԸ

ՎՐԱՍՏԱՆԻ ՆԱԽԱԳԱՐԸ ՍԿՍԵՑ ՈՒՂԵՎՈՐՈՒԹՅՈՒՆՆԵՐԸ ՎՐԱՍՏԱՆԻ ՀԱՆՔԱՏԱՎԱՅՐԵՐՈՒՄ

Հունիսի 15-ից զբոսաշրջության ոլորտը բացեց ներքին զբոսաշրջությունը:



Վրաստանի զբոսաշրջիկներն արդեն հնարավորություն ունեն այցելել երկրի տարբեր շրջաններում գտնվող հատուկ պաշտպանվող տարածքներ, հուշարձաններ, հանգստավայրեր եւ օգտվել հյուրանոցների ու սննդի կետերի ծառայություններից: Ներքին զբոսաշրջությունը խրախուսելու նպատակով, այցելուներին հնարավորություն է տրվում օգտվել իջեցված սակագներից եւ հատուկ սահմանված արտոնություններից: Միաժամանակ, կորոնավիրուսի համավարակի պատճառով բոլոր օբյեկտներն ու նրանց այցելուները պարտավոր են պահպանել առողջապահության նախարարության կողմից սահմանված կարգերը:

Հանրային փակ տարածքներում քաղաքացիները պետք է դիմակ դնեն: Նշված կարգի խախտման դեպքում, անձը կտուգանվի 20 լարիով: Վերոնշյալ սահմանափակման չեղարկման մեկնարկին, Վրաստանի նախագահ Սալոմե Չուրաբիշվիլին սկսեց ուղեւորությունները Վրաստանի տեսարժան վայրերում եւ հանգստավայրերում: Նա այցելեց Լամիսոլանայի, Քասնիի Երիսթավիի ամրոց: Նախագահի խոսքով, ներքին զբոսաշրջության բացման կապակցությամբ, ինքը մտադիր է այցելել Վրաստանի պատմական բոլոր վայրերը: Ինքը կփորձի ներքին զբոսաշրջության շահագրգռված անձանց համար հայտնաբերել մինչ այդ անհայտ զբոսաշրջության երթուղիներ:

Վրաստանի նախագահ Սալոմե Չուրաբիշվիլին տեղական զբոսաշրջության աջակցության եւ ժողովրդականացման նպատակով, այցելեց նաեւ Աջարիայի տարածաշրջան եւ դիտեց Պետրայի ամրոցը եւ Բաթումիի բուսաբանական այգին:

ՍՏՈՒԳՈՒՄՆԵՐ՝ ՄՆԵՂԻ ՕԲՅԵԿՏՆԵՐՈՒՄ. ՏՈՒՎԱՆՎԵԼ Է ՄՆԵՂԻ 16 ՕԲՅԵԿՏ

Հունիսի 15-ին Վրաստանի առողջապահության նախարարության աշխատանքային տեսչությունը 26 օբյեկտներում ստուգատես կատարելուց հետո, 16-ին տուգանել է անվտանգության չափանիշներին չհամապատասխանելու համար:

Վերոնշյալ ռեստորաններից յուրաքանչյուրը, կորոնավիրուսի տարածումը կանխելու նպատակով տրված հրահանգների պահանջների անտեսման համար, տուգանվել է 10 հազար լարիով: Ընդհանուր առմամբ, առաջարկություններ են տրվել 11 400 օբյեկտի: Ստուգումների ընթացքում պարզ է դարձել, որ որոշ դեպքերում անհրաժեշտ է դիմել պատժամիջոցների: Քաղաքացիների առողջությունն

ապահովելու համար գերատեսչությունը ձեռնարկատերերին հորդորել է պահպանել հանձնարարականներ: Նշենք, որ առողջապահության նախարարությունում գրանցում անցած 939 հյուրանոցներից 150-ն արդեն ստացել են իրենց գործունեությունը վերսկսելու թույլտվություն, իսկ 175-ը դեռ չեն բավարարել պահանջները: Ստուգմանը նախապատրաստվելու համար մնացած հյուրանոցները լրացուցիչ ժամանակ են խնդրել:

ՎԵՐԱՎԱՆՔՆԵՐԻ ՆԱԵՎ ՈՒՂԵՎՈՐԱՏԱՐ ԳՆԱՑՔՆԵՐԻ ԵՐԹԵՎԵԿՈՒԹՅՈՒՆԸ

Հունիսի 15-ից Վրաստանում վերսկսվեցին երկաթուղային ուղեւորափոխադրումները: Մայրուղային գնացքները կգործեն 5 ուղղություններով՝ Թբիլիսի-Բաթումի, Թբիլիսի-Օզուրգեթի, Թբիլիսի-Փոթի, Թբիլիսի-Չուգրդի, Թբիլիսի-Քութայիսի:

Նշենք, որ Վրացական երկաթուղին վերսկսել էր տոմսերի վաճառքը հունիսի 10-ից: Բոլոր ուղղություններով տոմսերի գները չեն փոխվել, սակայն գնացքները կերթուցվեն միայն ցերեկվա ընթացքում: Բացի այդ, երթուղիների համար նախատեսված կլինի 2 գնացք՝ Բաթումիի եւ Փոթիի ուղղությամբ: Գնացք մտնելուց առաջ ուղեւորները կանցնեն ջերմաչափում, ախտահանիչ գործով անցնելուց հետո, կախտահանեն ձեռքերը: Բոլոր վագոններում տեղադրված են

գելքը, ինչպես նաեւ աշխատակիցների հանդերձանքի, վագոնները ախտահանելու եւ մաքրելու հետ կապված այլ կանոններ: Գնացքի տոմսեր կարելի է ձեռք բերել «Վրացական երկաթուղիներ»-ի բջջային հավելվածի միջոցով, ընկերության կայքում կամ արագ փոխանցման ապարատների միջոցով եւ «Վրացական երկաթուղիներ» գործընկերություններում: Հիշեցնենք, որ Վրաստանում կորոնավիրուսի տարածման սպառնալիքի պատճառով, մարտի 31-ին դադարեցվել էին երկաթուղով ուղեւորափոխադրումները: Արգելվել էին նաեւ ավտոբուսներով եւ միկրոավտոբուսներով ուղեւորափոխադրումները:

ԿՈՐՈՆԱՎԻՐՈՒՄԸ ՎՐԱՍՏԱՆՈՒՄ ՀԱՆՔԵՆՐԵՆՆԵՐՔԻՆ ԳՎՐԹԻ

ՇԱՏ ԸՆՏԱՆԻՔՆԵՐ ԲՆԱԿՈՒԹՅԱՆ ՀԱՄԱՐ ԿՏԵՂԱՓՈԽՎԵՆ ԳՅՈՒՂԵՐ. ՊԵՏՈՒԹՅՈՒՆՆ ԱՅՍ ԻՐԱՎԻՃԱԿԸ ՊԵՏՔ Է ՈՐԵՎԷ ԶԵՎՈՎ ՊԱՅՊԱՆԻ

Թբիլիսյան «Ռեզոնանսի» թերթի հունիսի 16-ի համարում տպագրված այս վերնագրով հոդվածում նշված է, որ կորոնավիրուսի համավարակի արդյունքում սկսվեցին ներքին գաղթի գործընթացներ:

Եթե տարիների ընթացքում մարդիկ գյուղերից մայրաքաղաք էին տեղափոխվում կամ աշխատանքի համար արտասահման էին ուղեւորվում, այս միտումը կտրականապես փոխվեց: Կարելի է ասել, որ երկրում սկսվել է տեղաշարժ, եւ մարդիկ վիրուսից պաշտպանվելու կամ մթերքների ստեղծման նպատակով գերադասում են ապրել գյուղերում: Ակնհայտ է, որ դա ժամանակավոր երեւոյթ է, թեպետ բավականին ինտենսիվ բնույթի փոփոխություն է: Մեծ աշխատանք պետք է իրականացվի այն առումով նաեւ, որպեսզի երկիրը հայրենիք վերադարձածների համար ապահովի երկրում մնալու հնարավորություն: Ինչպես նշեց ազգագրագետ Ավթո Սուլաբերիձեն, մարդիկ գյուղ են վերադառնում իրենց փրկելու նպատակով, թեպետ տնտեսական իրավիճակն այնպիսին է, որ հարկ է հզորացնել ընտանեկան տնտեսությունը: - Վրաստանի ողջ տարածքով, շատ ըն-

տանիքներ, այդ թվում՝ նաեւ բնիկ քաղաքացիներ, գնացին գյուղեր եւ մինչ օրս մնում են այնտեղ: Դրան մեծապես նպաստեցին պետության կողմից անցկացված միջոցառումները, առաջին հերթին, մեծ քաղաքների շրջափակումը: Բնականաբար, գործեց նաեւ ինքնապաշտպանության գործոնը, եւ մարդիկ Թբիլիսիից մեկնեցին գյուղեր: Սակայն գյուղեր մեկնեցին հիմնականում տարիքավորները: Պետք է հոգալ, որպեսզի մարդիկ մնան տարածաշրջաններում: Վարակման հավանականությունն ավելի մեծ է, քան գյուղերում,- հայտարարեց ազգագրագետը: Նրա կարծիքով, պետությունը հնարավորինը պետք է անի, որ այն մարդիկ, ովքեր մայրաքաղաքից կան երկրի մյուս քաղաքներից գյուղերում ամրանան, այնտեղ ծավալեն տնտեսական գործունեություն, ինչը էապես կնպաստի ժողովրդագրական իրավիճակի բարելավմանը:

COVID 19

ՊԵՏՔՅՈՒՋԵՆ ԵՎ ԿՈՐՈՆԱՎԻՐՈՒՄԸ

Վրաստանի ֆինանսների նախարարությունը խորհրդարանին ներկայացրեց 2020 թվականի առաջին եռամսյակում պետական բյուջեի կատարման հաշվետվությունը: Հաշվետու ժամանակահատվածն առնչվում է կորոնավիրուսի համավարակի արդյունքում տնտեսական ճգնաժամի մեկնարկին:

Ըստ հաշվետվության, առաջին եռամսյակում տնտեսական աճը պահպանվեց, թեպետ դրա վրա սկսեց ազդեցություն գործել համավարակով պայմանավորված ճգնաժամը: Առաջին եռամսյակում համախառն ներքին արդյունքը (ՀՆԱ) դրական էր՝ 1,5 տոկոս: Հունվարին տնտեսական կտրուկ աճի (5,5 տոկոս) միտումը պահպանվեց նաեւ փետրվարին (2,2 տոկոս), թեպետ մարտին վավերացվեց աճի անկում՝ մինչեւ 2,7 տոկոս: «Ընթացիկ գնահատականով, 2020 թվականին սպասվում է տնտեսական 4 տոկոսի աճ, եւ դա իր ազդեցությունը կգործի այնպիսի մակրոտնտեսական եւ ֆինանսական պարամետրերի վրա, ինչպիսիք են բյուջետային պակասորդը, ընթացիկ հաշվի պակասորդը, գործազրկությունը եւ այլն»,- ասված է վերոնշյալ հաշվետվության բացատրագրում: Համավարակի ֆոնի վրա, Վրաստանում արժեզրկումը հասավ 6,1 տոկոսի՝ ծրագրված 3-ի դիմաց: Արժեզրկման միջին ցուցանիշը կազմեց 5,8 տոկոս: Առանձնապես բարձրացան պարենամթերքների, այլ ապրանքների գները, հյուրանոցների, սրճարանների, ռեստորանների, այլ ծառայությունների

ի սակագները: Միաժամանակ, ազգային տարադրամի փոխանակման կուրսը մարտին, նախորդ տարվա դեկտեմբերի համեմատ, ավելացավ 14,5 տոկոսով: Նվազեցին ապրանքաշրջանառության, արտահանման ծավալների ցուցանիշները: 17,6 տոկոսով նվազեց օտարերկրյա զբոսաշրջիկների թիվը, ինչը դարձավ ոլորտից ստացվող եկամտի 26,1 տոկոսով նվազեցման պատճառ, ընդհանուր առմամբ, առաջին եռամսյակում կազմեց 427,7 միլիոն դոլար: Միաժամանակ, հաշվետու ժամանակահատվածում, 0,1 տոկոսով ավելացավ արտասահմանից դրամական փոխանցումների ծավալը, ընդ որում՝ Ռուսաստանից եւ Թուրքիայից փոխանցումները նվազեցին համապատասխանաբար՝ 22,2 եւ 16,1 տոկոսով: Փոխանցումներն ավելացան Իտալիայից (11,3 տոկոս), Հունաստանից (9 տոկոս) եւ ԱՄՆ-ից (8,1 տոկոս):

ԻՆՉՊԵՍ ԿԱՏԱՐՎԵՑ ՊԵՏՔՅՈՒՋԵՆ Ֆինանսների նախարարության տեղեկատվությամբ, 2020 թվականի առաջին եռամսյակում եկամուտների ծրագիրը գերակատարվել է, թեպետ թերացում է վա-

վերացվել բյուջեի կատարման հոդվածում: Ծրագրված 2,6 միլիարդ փոխարեն, բյուջեն ստացել է 2,9 միլիարդ լարիի եկամուտ, իսկ նախատեսված 3,7 միլիարդի դիմաց, ծախսերը կազմել են 3,5 միլիարդ լարի: Առաջին եռամսյակում հարկային եկամուտները կազմել են 2,7 միլիարդ լարի, ինչը 160,2 միլիոն լարիով գերազանցում է ծրագրված ցուցանիշը: Ընդ որում, եկամտահարկի ցուցանիշն ավելացել է 12,2, շահութահարկինը՝ 29,3, իսկ հավելյալ արժեքի հարկը՝ 8 տոկոսով:

ՀԱՄԱՎԱՐԱԿԸ ԵՎ ՊԵՏՔՅՈՒՋԵՆ

Ինչպես արդեն հաղորդել ենք, մարտի 21-ից երկրում հայտարարվել էր արտակարգ դրություն, ինչը նախատեսում էր լրացուցիչ չնախատեսված ծախսեր, այդ թվում՝ մարտին ապրիլի կենսաթոշակների հանձնումը, ծրագրված վճարումների դիմաց փոխհատուցումները եւ այլն: Բացի այդ, պետական բյուջեից գումարներ հատկացվեցին համավարակից անհատական պաշտպանության միջոցների, սարքավորումների ձեռքբերման համար: Այդ նպատակով ծախսվեց 4,6 միլիոն լարի: Եվս 16 միլիոն լարի պահանջվեց 5 հազար տոննա շաքարի, 500 տոննա մակարոնեղենի եւ 1,5 միլիոն լիտր բուսական յուղի գնման համար: Պետբյուջեից 28 միլիոն լարի ծախսվեց նաեւ արտասահմանից Վրաստանի քաղաքացիների անվ-

տանգ փոխադրման, սննդի համար ընկերությունների հետ կնքած 121 պայմանագրերի կատարման համար: Բացի այդ, վերոնշյալ ժամանակահատվածում ընդունվեց որոշում գործարարության առանձին տեսակների համար հարկային վճարումների հետաձգման, գործող ավիաչվերթերի կանգնեցման, առանձին սահմանային անցակետերի փակման վերաբերյալ:

ՊԵՏՈՒԹՅԱՆ ՍՈՑԻԱԼԱԿԱՆ ՊԱՐՏԱՎՈՐՈՒԹՅՈՒՆՆԵՐԸ

Ինչպես նշված էր հաշվետվության բացատրագրում, բացի նրանից, որ պետությունը 705,8 միլիոն լարիի ծավալով հաշվետու ժամանակահատվածում հանձնեց կենսաթոշակներն ու փոխհատուցումները, եւս 195,2 միլիոն լարի ծախսվեց սոցիալական օգնության նպաստների, սահմանափակ հնարավորություն ունեցող անձանց, խնամազուրկ անձանց, բազմազավակ ընտանիքների եւ այլ կատեգորիայի քաղաքացիների սոցիալական օգնության համար: Եվս 14,4 միլիոն լարի ծախսվեց բարձրալեռ բնակավայրերի բնակիչների հավելավճարի եւ կենսաթոշակների, սոցիալական վճարումների, բուժանձնակազմի աշխատավարձի, էլեկտրաէներգիայի վճարման փոխհատուցման համար: Բացի այդ, 244,8 միլիոն լարի ծախսվեց հանընդհանուր ապահովագրության պետական ծրագրի համար:

ՅՈՒՐԻ ԽՈՐԵՆՅԱՆ